

**JAVNA USTANOVA
HISTORIJSKI ARHIV SARAJEVO
SARAJEVO**

-UPRAVNI ODBOR-

Broj: 02-1262-2/21

Sarajevo, 07.06.2021. godine

Na osnovu člana 29. stav (1) Zakona o ustanovama (Sl.list RBiH br. 6/92, 8/93 i 13/94), član 7. stav 1. i člana 8. stav (1) i (2) Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj 12/03, 34/03 i 65/13), člana 18. tačka b. Pravila JU Historijski arhiv Sarajevo, broj 02-3642-3/08 od 25.12.2008. godine i 02-801-4/13 od 26.03.2013. godine, a u vezi s članom 23. stav (1) Pravila, v.d. Upravni odbor Arhiva na sjednici održanoj 07.06.2021. godine donio je slijedeću

O D L U K U

o raspisivanju konkursa za izbor i imenovanje direktora
JU Historijski arhiv Sarajevo

Član 1.

Raspisuje se konkurs za izbor i imenovanje direktora JU Historijski arhiv Sarajevo na mandatni period od četiri godine.

Član 2.

Konkurs će se objaviti u „Službenim novinama“ Federacije BiH i dnevnom listu „Oslobođenje“.

Tekst konkursa je sastavni dio Odluke.

Član 3.

Odluka stupa na snagu danom donošenja.



v.d. PREDSJEDNIK
UPRAVNOG ODBORA

Asmer Šeta

**JAVNA USTANOVA
HISTORIJSKI ARHIV SARAJEVO
SARAJEVO**

Na osnovu člana 29. stav (1) Zakona o ustanovama (Sl.list RBiH br. 6/92, 8/93 i 13/94), član 7. stav (1) i člana 8. stav (1) i (2) Zakona o ministarskim, vladinim i drugim imenovanjima FBiH („Službene novine FBiH“, broj 12/03, 34/03 i 65/13), člana 23. stav (1) Pravila JU Historijski Arhiv Sarajevo, broj 02-3642-3/08 od 25.12.2008. godine i 02-801-4/13 od 26.03.2013. godine te Odluke v.d. Upravnog odbora JU Historijski arhiv Sarajevo, broj 02-1262-2/21 od 07.06.2021. godine, raspisuje

K O N K U R S
za izbor i imenovanje
direktora JU Historijski arhiv Sarajevo

I Opis pozicije:

U ostvarivanju funkcije rukovođenja Arhivom, direktor obavlja i slijedeće poslove:

- zastupa i predstavlja ustanovu prema trećim licima, odgovoran je za zakonitost rada ustanove, predlaže Upravnom odboru mjere za efikasno i zakonito obavljanje djelatnosti Arhiva, unutrašnju organizaciju i sistematizaciju poslova i osnove planova rada i razvoja Arhiva, izvršava odluke Upravnog odbora, odlučuje o pravima, obavezama i odgovornostima zaposlenika iz radnog odnosa, naredbodavac je u izvršenju finansijskog plana, podnosi Upravnom odboru Arhiva izvještaj o finansijskom poslovanju, brine se o podizanju, razvoju i stručnom usavršavanju naučnih, stručnih i ostalih kadrova, vrši i druge poslove i ima druge dužnosti i prava utvrđena općim aktima Arhiva, u skladu sa zakonom.

II Opći uslovi

- da je državljanin Bosne i Hercegovine
- da je stariji od 18 godina
- da nije otpušten iz državne službe kao rezultat disciplinske mjere na bilo kom nivou u BiH u periodu od tri godine prije objavljivanja konkursa
- da nije pod optužnicom međunarodnog suda za ratne zločine u bivšoj Jugoslaviji (član IX 1. Ustava BiH)
- da se protiv kandidata ne vodi krivični postupak, odnosno da nije osuđivan za krivično djelo ili privredni prestup

III Posebni uslovi

- visoka stručna sprema društvenog smjera,
- radno iskustvo na poslovima iz oblasti kulture i naučno-istraživačkog rada u trajanju od najmanje pet (5) godina,
- poznavanje jednog stranog jezika,
- da se ističe organizacionim sposobnostima i društvenim radom.

IV Kandidati su dužni uz prijavu priložiti slijedeću dokumentaciju:

- kraću biografiju
- uvjerenje o državljanstvu (ne starije od šest mjeseci)
- izvod iz matične knjige rođenih,
- diplomu o stručnoj spremi , original ili ovjerena kopija
- uvjerenje o radnom iskustvu
- dokaz o poznavanju stranog jezika
- izjavu kandidata potpisanu i ovjerenu od nadležnog organa iz tačke II alineja 3 i 4.
- plan i program rada za četverogodišnji mandatni period

Kandidat koji bude izabran za direktora dužan je da prije preuzimanja dužnosti dostavi

- uvjerenje o nekažnjavanju,
- uvjerenje da se protiv kandidata ne vodi krivični postupak, odnosno da nije osuđivan za krivično djelo ili privredni prestup (ne starije od tri mjeseca)

Izbor i imenovanje direktora se vrši na period od četiri godine.

Konkurs će se objaviti u „Službenim novinama“ Federacije BiH i u dnevnom listu „Oslobođenje“ .

Konkurs ostaje otvoren 15 dana od dana posljednjeg objavljivanja.

Na osnovu procjene kvalifikacija i iskustva prijavljenih kandidata Komisija za provođenje konkursa utvrdit će prijedlog liste kandidata koji ulaze u uži izbor.

Sa odabranim kandidatima Komisija za provođenje konkursa će obaviti intervju.

IV Prijave sa potrebnom dokumentacijom dostaviti lično ili putem pošte na adresu:

JU Historijski arhiv Sarajevo, Alipašina 19, 71000 Sarajevo, sa naznakom „Prijava na konkurs za izbor i imenovanje direktora – ne otvarati“.

Nepotpune i neblagovremene prijave neće se uzeti u razmatranje.